

Incumbensa da la fracziun da la PLD concernent reducziuns da taglia per in chantun Grischun attractiv (emprim sutsegnader Mittner)

En il passà è in dals models da success per in chantun attractiv stà quel da tegnair il substrat fiscal per persunas giuridicas uschè cumpetitiv sco pussaivel. Quai cun la finamira che interpresas possian impunder ils meds finanziaus per investiziuns e per engaschar novas collavuraturas e novs collavuratur. Cun ils salaris che las interpresas han pajà ora supplementarmain, èsi stà pussaivel durant ils onns passads d'augmentar cuntinuadamain las entradas fiscalas da las persunas natirals sin in aut nivel. Tras questa politica han il medem mument er diversas vischnancas pudì reducir la chargia fiscal per las persunas natirals. En vista a la situaziun finanziaua actuala ed en vista a l'examinaziun futura dal catalog da prestaziuns, che vegn ad avair lieu en il rom da l'examinaziun da las incumbensas e da las prestaziuns, sco er en vista a l'armonisaziun da las tariffas da taglia per persunas giuridicas, che vegn a vegnir pretendida da la OECD sin plaun internaziunal, vesain nus in basegn d'agir en il chantun Grischun.

Per pudair cuntinuar nossa via da success e per pudair mantegnair plazzas da lavur sco er interpresas en il chantun Grischun, incumbenseschan las sutsegnadras ed ils sutsegnaders la Regenza sco suonda:

La Regenza elavura per mauns dal Cussegl grond recumandaziuns d'agir per reducir la chargia fiscal per persunas natirals sco er per persunas giuridicas. En quest connex èsi da resguardar, ch'i vegnia realisà cun mintga daner da taglia spargnà la pli gronda creaziun da valurs pussaivla per l'entir chantun.

Cuira, ils 8 da december 2021

Mittner, Engler, Loi, Alig, Berweger, Bigliel, Censi, Claus, Flütsch, Hartmann-Conrad, Hohl, Holzinger-Loretz, Jenny, Jochum, Kasper, Kienz, Kunz (Cuira), Michael (Castasegna), Mittner, Natter, Niggli (Samedan), Papa, Pfäffli, Rüegg, Schutz, Stiffler, Thomann-Frank, Thür-Suter, Valär, Waidacher, Weidmann, Wieland, Fetz